



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola XLVIII. Alexandri Papae III. Ad Indorvm Regem, Qvem Vvlgo
Preto-loannem Vocant. Commendat illi Philippum fidei praedicatorem.

urn:nbn:de:hbz:466:1-15588

EPISTOLA XLVIII.

ALEXANDRI PAPÆ III.

AD INDORVM REGEM, QVEM VVLGO PRETO.
IOANNEM VOCANT.

Commendat illi Philippum fidei prædicatorem.

*Alexander episcopus seruus seruorum Dei carissimo in Christo
filio illustri & magnifico Indorum regi, sacerdotum sanctissi-
mo, salutem & apostolicam benedictionem.*

*Math. 16.**Ibidem.*

APOSTOLICA sedes, cui licet immeriti præsidemus,
omnium in Christo credentium caput est & magis-
tra, Domino attestante, qui ait beato Petro, cui licet indi-
gni successimus: *Tu es Petrus, & super hanc petram ædificabo
ecclesiam meam.* Hanc siquidem petram Christus esse vo-
luit in ecclesiæ fundamentum, quam præconat nullis ven-
torum turbinibus nullisque tempestatibus quatiendam.
Et ideo non immerito beatus Petrus, super quem funda-
uit ecclesiam, ligandi atque soluendi specialiter & præci-
pue inter apostolos alios meruit accipere potestatem. Cui
dictum est a Domino: *Tibi dabo claves regni cœlorum: & por-
tæ inferi non præualebunt aduersus eam.* Et quodcumque lig-
aueris super terram, erit ligatum & in cœlis: & quodcumque sol-
ueris super terram, erit solutum & in cœlis. Audiueramus vtique iampridem, referentibus multis, & in fama communi-
ni, quomodo cum sis Christianum nomen professus, piis
velis operibus indesinenter intendere, & circa ea tuum
animum geras quæ Deo grata sunt & accepta. Sed & dilectus filius magister Philippus medicus & familiaris no-
ster, qui de intentione pia & proposito tuo cum magnis &
honorabilibus viris regni tui se in partibus illis verbum
habuisse proponit, sicut vir prouidus & discretus, circum-
spectus & prudens, constanter nobis & solicite retulit,
se manifestius ab his audisse, quod tuæ voluntatis sit &
propositi, erudiri catholica & apostolica disciplina; & ad
hoc feruenter intendas, vt tu & terra tuæ sublimitati
commissa nihil vñquam videamini in fide vestra tenere,
quod a doctrina sedis apostolicæ dissentiat modo quolibet vel discordet. Super quo sane tibi sicut carissimo filio

plurimum congaudemus, & ei, a quo omne donum procedit, immensas gratiarum exoluimus actiones: vota votis, & preces precibus adiungentes, ut qui dedit tibi nomen Christianitatis suscipere, menti tuae per suam ineffabilem pietatem inspiret, quod omnino velis sapere, quæ super omnibus articulis fidei tenere debet religio Christiana. Non enim vere potest de Christiana professione sperare salutem, qui eidem professioni verbo & opere non concordat: quia non sufficit cuilibet nomine Christiano censiari, qui de se sentit ^{* addit. &} aliud, quam catholica & apostolica habeat disciplina, iuxta illud quod Dominus in euangelio dicit: *Non omnis qui dicit mihi, Domine, Domine, intrabit in regnum cœlorum, sed qui facit voluntatem Patris mei, qui in cœlis est.*

Illud autem nihilo minus ad commendationem tuæ virtutis accedit, quod sicut prudens magister Philippus se a tuis afferit audisse, feruenti desiderio cuperes in Vrbe habere ecclesiam, & Hierosolymitanum altare aliquod, vbi viri prudentes de regno tuo manere possent, & apostolica plenius instrui disciplina; per quos postmodum tu & homines regni tui doctrinam ipsam reciperent & tene-rent. Nos autem, qui licet insufficientibus meritis in beati Petri cathedra positi, iuxta Apostolum, sapientibus & insipientibus, diuitibus & pauperibus, nos recognoscimus debitores, de salute tua & tuorum omnimodam solicitudinem gerimus; & vos ab his articulis, in quibus erratis a Christiana & catholica fide, prompto animo, prout tene-mur exsuscepti ministerio regiminis, volumus reuocare. Cum ipse Dominus beato Petro, quem omnium apostolorum principem fecit, dixit: *Et tu aliquando conuersus confirma fratres tuos.* Licet autem graue nimis videatur & laboriosum existere, ad praesentiam tuam inter tot labores, & varia itineris & locorum discrimina, & inter longas & ignotas oras quemlibet a nostro latere destinare; considerato tamen officii nostri debito, & tuo proposito & intentione pensata, præfatum Philippum medicum & familiarem nostrum, virum vtique discretum, circumspectum & prouidum, ad tuam magnitudinem mittimus; de Iesu Christi misericordia confidentes, quod si volueris in eo proposito & intentione persistere, quam te inspirante Do-

Rom. 1.Luc. 12.

mino, intelligimus concepisse : de articulis Christianæ fidei, in quibus tu & tui a nobis discordare videmini, in proximo per Dei misericordiam eruditus nihil prorsus timere poteris, quod de errore tuam vel tuorum salutem praepeditat, vel in vobis nomen Christianitatis offuscet.

Rogamus itaque excellentiam regiam, monemus & hortamur in Domino, quatenus eumdem Philippum pro reuerentia beati Petri & nostra, sicut virum honestum, discretum, & prouidum, & a nostro latere destinatum, debita benignitate recipias, & reuerenter ac deuote pertraches. Et si tua voluntatis est & propositi, sicut omnino decet esse, vt erudiaris apostolica disciplina super his quæ idem Philippus ex nostra tibi parte proponet; ipsum diligenter audias, & exaudias, & personas honestas, & literas tuo sigillo sigillatas, quibus propositum & voluntatem tuam possimus plene cognoscere, ad nos cum ipso transmittas. Quia quanto sublimior & maior haberis, & minus de diuitiis & potentia tua videris inflatus, tanto libentius tam de concessione ecclesia in Vrbe, quam etiam de conferendis altaribus in ecclesia beati Petri & Pauli, & Ierosolymis in ecclesia Sepulcri Domini, & in aliis quæ iuste quaesieris, tuas curabimus petitiones admittere, & efficacius exaudire; vtpote, qui desiderium tuum super hoc, quod multa commendatione dignum extitit, modis omnibus, quibus secundum Deum possumus, volumus promouere, & tuam & tuorum animas desideramus Domino lucrifacere. Data Venetiæ in Riualto quinto Kalendas Octobris.

EPISTOLA XLIX. ALEXANDRI PAPÆ III.

AD HVGONEM.

De prædicto libro ad se missa gratias agit: eique conversionem imperatoris Constantinopolitani commendat.

*Alexander episcopus seruus seruorum Dei dilectio filio magistro
Hugoni salutem & apostolicam benedictionem.*

COGNOSCENTES laborem plurimum, quem sustinuisti in componendo librum, quem nobis per dilectum filium